




Basaburuko Udala
CIF P 3104900 J
31866-Jauntsarats
(Nafarroa)



Basaburuko udalbatzak, 2018ko otsailaren 28an egindako ohiko bilkuran ondoren idatzita dagoen akordioa hartu zuen

7.-Moziok.

Alkateak adierazten du Gizarte hezitzaileen elkargotik aurrekoan bidalitako mozioren onespena eskatu zutela eta mozia aurkeztu zenean zalantzak sortu zirela onartzeko. Mozioren inguruko kontsulta egin ondoren elkargoan adierazi diote parlamentuan eta hainbat udaletan onartu dutela hortaz batzarrean onartzeko proposamena luzatzen die alkateak bildutakoei,

Irakurtzen du ondoren transkribatzen den mozia:

“ Gizarte hezkuntzaren lanbidea araupetzeko lege bat sortzea sostengatzeko adierazpena:

Lehen. – GIZARTE-HEZKUNTZAREN LANBIDEA ARAUPETZEKO LEGE BAT PROMULGATZEKO BEHARRA JUSTIFIKATZEA.

1.1.- Gizarte-hezkuntza ezinbestekoa da gizartearen zenbait premiari heltzeko. Hain zuzen, berriazko jarduketan bidez ematen die konponbidea premia horiei.

1.2.- Gizarte-hezkuntza heziketarako zerbitzutat hartu behar da, Zuzenbideko Estatu baten funtsezko balioak betetzearen zerbitzura dagoena.

1. Herritar guztien berdintasuna.
2. Justizia sozialaren maila handienak.
3. Kontzientzia demokratikoaren erabateko garapena.

1.3.- Gizarte-hezkuntza izaera pedagogikoa duen lanbidea da, heziketarako testuinguruak eta bitartekotzak eta prestakuntzako ekintzak sortzen dituena.

1.4.- Gizarte-hezkuntzako profesionalek gizartean dituzten eginkizunak hauek dira:

1. Gizartearen eta hezkuntzaren testuinguruak aztertu eta ikertzea; hartara, politikak orientatzeko arlo honetan eta herritarrek hezkuntzaren, prestakuntzaren eta kulturaren alorretan dituzten beharrei eta helburuei arreta emateko planak, programak eta proiektuak abiarazteko.
2. Pertsona bakoitzaren gaitasunak garatzen laguntzea, eta bai bere gaitasunek, ezagutzek eta esperientziak gizartearen testuinguru desberdinetan duten garrantzia nabarmentzen laguntzea ere.
3. Pertsonentzat esanguratsuak diren irakaskuntza-ikaskuntza prozesuak sortzea, garapen indibiduala, familiarra eta/edo kolektiboa ahalbidetzen dutenak, lagun egitearen eta orientazioaren bidez, gizarte-, kultura- eta hezkuntza-mailan bitarteko izanda.
4. Hezkuntzako, gizarteko eta kulturako ekipamenduak, programak eta zerbitzuak kudeatu eta zuzentzea, talde interdisziplinarioekin, herritarren giza eskubideak eta eskubide subjektiboak bermatzen dituzten erakunde publiko edo pribatuetan.

5. Kultura transmititu, garatu eta sustatzea indartzea.

1.5.- Gizarte-hezkuntzak arlo zabal eta garrantzitsuak hartzen ditu gure gizartean.

1.6.- Gizarte-hezkuntzaren lanbidearen egokitzapen terminologikoa falta da.

Bigarrena. – GIZARTE-HEZKUNTZAREN ARAU-ESPARRU AKADEMIKOA.

Gizarte-hezkuntzaren aitoren akademikoa eta prestakuntzakoa 1991n 1420/1991 Errege Dekretua, abuztuaren 30ekoa, onartzetik aurrera egituratu zen. Zehazki, errege dekretu horrek gizarte-hezkuntzaren unibertsitateko diplomarako prestakuntzen diseinu kurrikularra arautu zuen, 1981eko unibertsitate-erreformaren eraginez sortutako lehen zikloko unibertsitate-titulua. Urte horretatik aurrera, unibertsitate desberdinak beren ikasketa-planak egiten joan dira eta Gizarte Hezkuntzako Diploma Gizarte Hezkuntzako Gradu bihurtu da. Autonomia erkidego guztietan ematen da.

Gizarte-hezkuntzaren profesionalek beren esku-hartzearen hartzaile direnen gizarteratze eta garapen pertsonaleko prozesuan laguntzeko xedearekin lan egiten dute.

Prestakuntza horrek hainbat jardueratarako gaitzen du, eta jarduera horiek askotarikoak dira: animazio soziokulturala, herri-administrazioan lan egitea gazteriaren, kulturaren, hezkuntzaren eta gizarte-ongizatearen alorretan, adingabeen zentroen zuzendaritza, eskolaz kanpoko jardueren animazioa, marjinazioari aurrea hartzeko programak, gazte-turismoa, turismo soziala eta kulturala, lanerako prestakuntzako programak, helduen hezkuntza, eta abar. Dena dela, «gizarte-hezitzailearen jarduera» kontuan hartzen den ikuspegia edozein dela ere, agerikoa dirudi jarduera hori, nagusiki, bere lanaren gizarte-esparruak eta esku-hartzearen hezkuntza-izaerak zehaztu eta mugatzen duela.

Urriaren 29ko 1393/2007 ERREGE DEKRETUAREN arabera –unibertsitateko irakaskuntza ofizialen antolamendua ezartzen du–, ikasketa horiek Gizarte Hezkuntzako Gradu Tituluaren maila goratu dira.

Honengatik guztiagatik, BASABURUAKO Udalak honako ERABAKIA hartu du:

1. BASABURUAKO Udalak bere babesa adierazten dio Hezkuntza Sozialari, herritarren beharriari eta eskariei erantzuten dien lanbidea baita eta hezkuntzaren bidez aldaketa sozialak eragiten baititu.

2. Osasun Ministerioa eta Gizarte eta Berdintasun Zerbitzuak premiatzen ditu Hezkuntza Sozialaren lanbidea arautzeko lege bat taxutu dezaten.

3. Erabaki hauek Nafarroako Gizarte Hezitzaileen Elkargo Ofizialari helaraztea.

Zuen ezagutzarako jakinarazten dut eta ohartarazten dizuet akordio honen aurka ondorengo helegiteak aurkez ditzakezuela;

- Berraztertze helegitea erabakia hartu duen organoaren aurrean, erabakia hartu eta hurrengo egunetik hilabete bateko epean.
- Administrazio helegitea Nafarroako Auzi-administrazio epaitegian akordioa jaso bi hilabeteko epean
- Jasotzeko helegitea Nafarroako Auzitegi Administratiboan erabakia jaso eta hilabete bateko epean.

Jauntsaratsen, 2018ko martxoaren 1ean.

ALKATEA



IDAZKARIA

Lucia Beloki Iriarte

Izp: Esther Lakasta Perez Ilzarbe

Izp: Lucia Beloki Iriarte